

AUTORSKE NOVINE BR.2 11.JANUARA / SIJEČNJA 2013.

Tel : 033 205 600, telefon i faks 033 218 258 / amus@amus.ba / Obala Kulina bana 22, Sarajevo

NASLOVI :

- **AKTIVIRANA JE NOVA WEB STRANICA UDRUŽENJA www.amus.ba**
- **NOVI ČLANOVI AMUS-a**
- **POZIV AUTORIMA**
- **PISMO AMBASADAMA**
- **80 UGOVORA SA ELEKTRONSKIM MEDIJIMA I IDEMO DALJE...**
- **AKTIVNOSTI AS-a U SARADNJI SA POLICIJOM I TRŽNIM INSPEKCIJAMA U SARAJEVU, TUZLI I GORAŽDU**
- **IN MEMORIAM : UMRO ČLAN BOLERA**

AKTIVIRANA NOVA WEB STRANICA UDRUŽENJA www.amus.ba

Pozivamo vas da komentarišete, savjetujete i na drugi način utičete na sadržaje kako bi informacije bile sadržajnije i vama pružale više koristi.

NOVI ČLANOVI AMUS-a

U posljednje tri sedmice u Udruženje su se učlanili ili su članstvo obnovili : Ranko Boban, Dalal Midhat Talakić, Šekib Kalaba, Almir Ajanović, Namik Tarabić MEK, Vesna Milekić, Elvir Hadžijamaković Lilo, Zlatko Marinović Zlaja, Admir Beganović Fole, Nikolina Devura, Edin Ćorović, Abdulkерim Popaja, Rijad Delić, Djordje Knežević, Slobodan Lazičić, Mirsad Šišić, Stanko Raljić, Kenan Glavinić, Goran Pivašević, Aleksandar Babić.... Time se broj članova Udruženja popeo na 277.

POZIV AUTORIMA DA SE UČLANE U AMUS

Udruženje radi na planu aktivnosti za proširenje članstva u 2013.godini. Pozivamo vas da se i Vi uključite. Neke od aktivnosti su u toku a neke su planirane za proljeće. U prilogu je Poziv autorima koji Vas molimo da distribuirate u krugu autora i saradnika sa kojima kontaktirate. Molimo vas da im prosljedite poziv i sugerišete im da se učlane. Članstvo u udruženju je, naravno, besplatno.

Ovaj poziv planiramo distribuirati na sva mjesta gdje se okupljaju autori bilo da se radi o produkcijama, prostorijama za vježbanje, studijima, festivalskim direkcijama, muzičkim školama i akademijama...sa molbom da se sa sadržajem upoznaju autori i da se Poziv autorima stavi na oglasnu ploču ili neko drugo vidno mjesto.

Autori, pomozite nam sa sugestijama, adresama i kontaktima na koje smatrate da bi bilo korisno poslati ovaj Poziv poštom.

Takodjer, u medijskim nastupima članovi Upravnog odbora će pozivati putem sredstava informisaanja autore da se učlane. Tokom ove godine u planu je održavanje niza regionalnih sastanaka sa autorima širom BiH. Kada se utvrde datumi bićete obaviješteni i pozvani da učestvujete na tim sastancima. Postoji mogućnost da će se pristupiti izradi kratkog TV spota sa pozivom autorima za učlanjenje u AMUS.

PISMO AMBASADAMA I DIPLOMATSKIM KANCELARIJAMA AKREDITOVANIM U BiH

AMUS Stručna služba je posljednjih desetak dana upoznala sve diplomatske misije akreditovane u BiH sa obavezom da regulišu ugovorom koncerte i priredbe u kojima se koriste muzička djela a koji se održavaju u njihovoj organizaciji ili pod njihovim pokroviteljstvom.

U protekloj deceniji je najveći dio koncerata, koji je bio organizovan od strane diplomatskih misija ili su one bili pokrovitelji, bio amnestiran od obaveze regulisanja korištenja muzičkih djela odlukama prijašnjeg nositelja licence za kolektivno ostvarivanje muzičkih autorskih djela u BiH.

AMUS IMA 80 UGOVORA SA ELEKTRONSKIM MEDIJIMA

Iako rok za potpisivanje ugovora ističe krajem ovog mjeseca, AMUS već ima preko 80 potpisanih ugovora. Time smo na dobrom putu da ostvarimo plan od 100 ugovora do kraja mjeseca. Potom je dogovoreno da predstavnici udruženja elektronskih medija AEM, PEM i URS i AMUS na sastanku u Regulatornoj agenciji

za komunikacije predstave učinjeno i razmotre dalje djelovanje na ostvarivanju konačnog cilja : da sve elektronski medji u BiH legalizuju upotrebu muzike ugovorom sa AMUS-om.

Medju novih 30 ugovora su radio stanice : RSG, NES, Igokea, Običan radio, Radio dobre vibracije, Radio ZID – Sarajevo, OSM – Pale, Velkaton, Novi radio – Bihać, Usora, Panorama, Bijeljina, Gacko, Busovača, 1503 Zavidovići, Bosanska Krupa, Grude, Radio, Istočno Sarajevo, Rama, Radio 8, ŠIK, Avaz – Čelić. A RTV stanice su : Tešanj, Bugojno, Višegrad, Lukavac, Velika Kladuša, Cazin, Jablanica, TV Igman...

Ranije smo vas obavijestili da su ugovore, izmedju ostalih, potpisali i : RADIO STANICE oliti POSTAJE : Radio M, Bobar, Studio 88, Radio Q, Hard Rock Radio, Feral-Tuzla, TNT – Travnik, Kastel, Kreativni mediji Posušje, Free, ViK, Studio D, UNO, Skala, Velkaton, DAŠ, VISTA, Preporod-Odžak, Glas Drine - Sapna, Antena – Tešanj, Radio Feniks-ALFA, Studio N, Kostajnica, Prača, Medjugorje, Konjic, Kladanj, Bileća, Sana, Kakanj, Vitez, Breza... RTV stanice : RTB BN – Bijeljina, RTV 7 – Tuzla, RTV SLON, RTV 8 i niz lokalnih TV stanica. TV stanice : HAYAT, TV Kantona Sarajevo, BHB CABLE TV, BEL TV, ASTRA MEDIA D.O.O. BIJELJINA -"TV ARENA" – Bijeljina, KG-1...

AKTIVNOSTI U USPOSTAVLJANJU SARADNJE SA INSPEKCIJAMA I POLICIJAMA

SARAJEVO Tržna inspekcija je u decembru obavila 91 pregled ugostiteljskih objekata u općini Stari grad i utvrdila da njih 13 ima ugovore a ostalima je naloženo da potpišu ugovore sa AMUS-om u roku od 15 dana. U toku je rad na ugovorima

TUZLA Predstavnici AS-a su pred Novu godinu obišli Tuzlanski kanton i na sastanku sa ministrom MUP-a TK sa saradnicima usaglasili djelovanje policije u pogledu korištenja žive muzike u ovom Kantonu. Policija je odmah isti dan počela sa obilaskom objekata sa najavljenom živom muzikom i pokazala se veoma efikasnom. Na sličan način je uspostavljena saradnja sa predstavnicima Kantonalne i općinske Tržne inspekcije. Najavljen je početak djelovanja Inspekcija tokom januara u nadzoru ugostiteljskih objekata koji koriste muziku sa mehaničkih uređaja.

GORAŽDE Predstavnici AS-a su 9.januara boravili u Goraždu, te je dogovoreno da će policija i Tržna inspekcija djelovati pojačanim nadzorom ugostiteljskih objekata u vezi sa zaštitom muzičkih autorskih prava.

IN MEMORIAM : UMRO ZORAN GRABOVAC – GRABA

BH muzička scena siromašnija je za još jednog člana. 1.januara je potvrđena vijest da nas je napustio Zoran Grabovac – Graba bubnjar Bolera. Grupa Bolero jedan je od značajnih predstavnika "Sarajevske pop-rock scene" 1980-ih. Činili su je Mile Anđelić (vokal), Mišo Bartulica (gitare i pomoćni vokal), Mustafa Čizmić (bas), Zoran Grabovac (bubnjevi), Nedžad Hadžić (klavijature). Graba je preminuo u Pragu u 52. godini od posljedica teške bolesti, a iza njega su ostali žena i dvoje djece. AMUS se pridružuje izrazima saučešća porodici i prijateljima.